


PARTORDING NI PARMINGGUON MINGGU INVOCAVIT

**MINGGU, 22 FEBRUARI 2026
Pkl. 06.00 WIB**



**TOPIK:
“JONOK DO DEBATA UJU JOUJOU AHU”**

**HKBP KRAMAT JATI
RESSORT KRAMAT JATI**

HATA PANGARADEON DI MINGGU

“Shalom..! Horas..!

Andorang so tamulai marhadaulaton marsaor dohot Debata, tapangke ma tingki sangombas martangiang di bagasan rohanta be.

Martangiang ma hita...”

(Dung didok Paragenda Amen., diuduti ma marhadaulaton.)

I. MARENDE BE. No. 257: 1 – 3 “JONOK DEBATANTA”

BL.210

➤ *Jonok Debatanta, unduk be ma hita, lao marsomba tu Tuhanta
Mijur Debatanta, tu tongatonganta, tapahohom ma rohanta
Somba ma Debata, di banuaginjang, na so halompooan.*

➤ *Jonok Debatanta surusuruanNa, do manungkap di joloNa
HabadiaonNa, dipapujipuji, dohot ende na ummuli
Hita pe sasude, sai girgir rohanta, mangoloi Tuhanta.*

[longjong]

➤ *O ale Jahowa, hutundalhon hami, dosa dohot jeanami
Tondi dohot daging, hupasahat hami, tu tanganMu Tuhannami
Sada do i ma Ho, sioloannami, pasangaponnami.*

II. VOTUM – INTROITUS – TANGIANG (A.VI.B.1 – D.V.16)

III. MARENDE BE. No. 695: 4 “JESUS TUHANHU DI HO MA AU ON”

BL.695

*Na marhaposan tu Jesus tahe, sai na martua ibana muse,
Sonang ibana di portibion, nang di surgo inon,
Jolma na bonar burju, Jolma na bonar huhut burju,
Sonang ibana di portibion, nang di surgo inon.*

IV. PATIK : Psalmen 50: 15

(Tatangihon ma Patik ni Debata di Minggu sadari on i ma Psalmen 50: 15)
**Jala jou ma Ahu jumpa di ari hagogotan, asa Hupalua ho, asa dipuji ho
Ahu.**

I do sahatna. Antong, rap mangido gogo ma hita sian Tuhan Debata!

***P+ R: Ale Tuhan Debata! Sai pargogoi ma hami mangulahon na
hombor tu PatikMi. Amen.***

V. MARENDE BE. No. 424: 2 + 4 "SOARANITONDI"

BL284

- *Marunduk ni roha topoti sude, Pambaenmu na torbang, jengkeltu sude, Pasahat tu Jesus sandok dirimi. Sai tong pasunggulhon pangkophopNa i*
[longjong]
- *Tarsor ho mardosa, menurut lomom, Tung unang datdati, sai alo langkam. Dompakkon Tuhanmu, Pargogo do i, Manesa, pamalum sude dosami.*

VI. TANGIANG MANOPOTI DOSA (B.9 – C.10)

VII. MARENDE BE. No. 390: 1 "NUNGA SAE DOSAM"

BL.259

Nunga sae dosam ulaning, malum ho? Naung diauhon ho mudarNa i?
Ai ias do ho, na saksak bajumi? Na di auhon ho mudarNa i?
Ias ho, malum ho, dibaen mudar ni Tuhanta i?
Ai naung saksak bajuM songon hapas i? Ai ias ho dibaen mudar i?

VIII. EPISTEL: Mateus 4: 1 – 11 (Responsoria)

P : Tatangihon ma Hata ni Debata Epistel di Minggu sadari on, na tarsurat di Mateus 4: 1 – 11.

Dung i ditogihon Tondi i ma Jesus tu halongonan, asa diunjuni sibolis i Ibana.

R : Jadi dung opat pulu ari, opat pulu borngin leleugna so mangan Ibana, male ma dihilala.

P : Dung i didapothon sipangunjuni i ma Ibana, ninna ma: Molo tutu Ho Anak ni Debata, dokkon ma batu on gabe sipanganon!

R : Alai ninna ma mangalusi: Na didok Surat i do: "Apala holan sipanganon hangoluan ni jolma; tung nasa hata ni Debata do, na ro sian Ibana!"

P : Dung i ditogihon sibolis i ma Ibana tu huta na badia i, dipajongjong ma Ibana tu atas bagas joro i, dung i ninna ma mandok Ibana:

R : "Molo Anak ni Debata Ho, timbungkon ma DiriM tu toru, ai didok Surat i do: "DohononNa do angka surusuruanNa manangannangan Ho, asa unang tartuktuk patMu tu batu!"

P : Dung i ninna Jesus ma mandok ibana: "Dohot do on didok Surat i: "Ndang jadi unjunanmu Tuhan Debatam!"

R : Dung i diulahi sibolis i ma manogihon Ibana tu punsu ni dolok na timbo situtu, dipatuduhon ma tu Ibana nasa harajaon na di portibi on ro di hasangaponna, dung i ninna ma mandok Ibana:

P : “Saluhutna i lehononhu do tu Ho, molo olo Ho marsomba tu ahu.”

R : Dung i didok Jesus ma mandok ibana: “Laho ma ne ho, Bolis; ai didok Surat i do: “Tuhan Debatam do sisombaonmu, Sasadasa do sioloanmu!”

P+H : Dung i ditadingkon sibolis i ma Ibana; jadi ro ma angka pardisurgo marhobasi di Ibana.

P : Ido sahatna. Martua do angka na tumangihon hata ni Debata jala na umpeopsa.

R : Amen.

IX. MARENDE BE. No. 246: 1 – 2 “JESUS URUPI”

BL.116

➤ *Jesus urupi pamonang ma hami Tatap ma gogo ni na holom i Na so mansadi mangonggop di hami Naeng polgahanna do hami sude Sai dipingkiri sibolis dalanna Manang beha au tongtong arсахanna.*

[longjong]

➤ *Jesus pamonang au, Ho do manobus Jala nampuna au on do tongtong Holan tu Ho nama ahu maporus Mida pangela ni portibi on Molo sai masirapusan rohangku Unang tadingkon au ale Tuhanhu.*

X. MANGHATINDANGHON HAPORSEAON

P : Tahatindanghonma haporseaonta i, songon na hinatindanghon ni donganta sahaporseaon di sandok portibi on.

Rap ma hita mandok!

P+R: Ahu porsea di Debata Jahowa.....

[Hundul]

XI. KOOR: PS. IMMANUEL

XII. TINGTING

XIII. KOOR: PUNGUAN SAMA ARBAB

XIV. MARENDE BE. No. 806: 1... “AHA PE MASA DINGOLUMON”

BL.806

(Papungu Pelean Ia dohot Ib)

➤ *Aha pe masa di ngolumon, Tuhan manjaga ho, HolongNa do mangondihon ho, Tuhan manjaga ho. Tuhan manjaga ho, las pe roham marsak pe ho, Sai diramoti ho, Tuhan manjaga ho.*

[instrument musik]

- *Sai disarihon do ngolumi, Tuhan manjaga ho,
Sai ditangihon tangiangmi, Tuhan manjaga ho.
Tuhan manjaga ho, las pe roham marsak pe ho,
Sai diramoti ho, Tuhan manjaga ho.*

[instrument musik]

- *Molo borat siporsanonmi, Tuhan manjaga ho,
Tung pe golap parnidaanmi, Tuhan manjaga ho.
Tuhan manjaga ho, las pe roham marsak pe ho,
Sai diramoti ho, Tuhan manjaga ho.*

[instrument musik]

XV. JAMITA, Andung – Andung 3: 49 – 57

XVI. MARENDE BE. No. 206: 1... “NA DISON DO AU TUHANHU” BL.90 (Papungu Pelean II)

- *Na dison do au Tuhanhhu, na marsomba au tu Ho
Iluilu ni matangku, husombahon do tu Ho
RohaMi ma tu rohangku, na masihol au di Ho.*

[instrument musik]

- *Sai matahon au Tuhanhhu, sai rajai ma diringkon
Ho hinirim ni rohangku, sipangolu tondingkon
RohaMi ma tu rohangku Ho di au, di Ho au on.*

[instrument musik]

- *Ndang adong pangidoanhu, dungkon asi ni rohaM
Na dilehon Ho, Tuhanhhu, tu na unduk di hataM
Rohami ma tu rohangku, sai pasauthon ma hataM*

[instrument musik]

- *Ho do mata ni aringku, halalas ni rohangki
Na masihol do tondingku, di Ho Jesus Tuhanhhu
RohaMi ma tu rohangku, asa sabam rohangki*

[instrument musik]

- *Sai tangihon, ditangishon, rohangki dangolna i
Sai tangihon, ditangishon, tondingki siholna i
RohaMi ma tu rohangku, sai di Ho ma tondingki.*

[instrument musik]

- *Hamoraon, halilian, roha ni portibi on
I do tongtong parsahitan, situtu di tondingkon
Holan Ho huhalungunhon, hutundalhon tano on.
[instrument musik]*

XVII. SIDI KHUSUS DEWASA

1) Marende Buku Ende No 148: 1 – 2 “SIAN SURGO I SURU TONDIMI” BL.59

*Sian surgo i, suru Tondimi, ale Jesus Tuhannami
Ai naeng pasahatonnnami, tu Ho hami on, na di joloMon.*

*Nasailaonna i, hinangkungan ni, natorasna be do hami
Olat na tardidi hami, di huriaMi, na badia i.*

2) Agenda

Doa (pendeta)

3) BE No 9: 1 “HUPUJI HOLONG NI” BL.110

*Hupuji holong ni rohaMu O Tuhan Jesus rajangki
Tu Ho hulehon ma tondingku Ai i do pinangidoMi
Huhalupahon ma diringku Mamingkir holong ni rohaMu*

XVIII. PANUTUP

**TANGIANG PELEAN – ALE AMANAMI
PASUPASU – AMEN AMEN AMEN**



**PENDETA DAN PARHALADO HKBP KRAMAT JATI
RESSORT KRAMAT JATI PASAHATHON :**

**“Selamat Hari Minggu,
Shalom”**

